

cietatis, cui ipse interfuit cum Jure suffragij. Mexicum reperens iterum Professorum Domui Præpositus, pristinos redorsus labores pro Dei gloria & animarum lucris, ad mortem usque illis incubuit, quam propè octogenarius oppetiit die 26. Martij 1655. Edidit hispano sermone

Epistolam de morte & virtutibus P. Joannis de Ledesma, qui obiit Mexici anno 1636. Mexici anno eodem in quarto.

Historiam de Triumphis S. Fidei inter gentes barbaras Mexicani orbis per Missiones PP. Societatis Jesu. Item Superstitionum, Portuum, Climatium, & variorum que ibi evenere. Matrili, apud Alphonsum de Paredes 1645. in folio.

His à Bibliotheca Societatis adductis, itemque à D. Nicolao Antonio in Bibliotheca Hispana (qui duos ex Nostro uno facit Andreas) subjungimus Mss quæ ipsos in tanta distantia latuerunt.

Historia Societatis Jesu in Provincia Nova Hispania.

Hanc citat P. Florencia eum in Historia à se composita & edita ejusdem Provincia pag. 138. n. 144. tum in *Origine de insignibus nova Gallie Sanctuarijs*, si gnatim pag. 65.

Æstimatio æterna Beatorum gloria, ad quam Deus hominem destinavit, quam que ipsi crucis sui pretiosi effusione emitt. Extat idiomate hispano in quarto in Bibliotheca Collegij Maximi Mexicani SS. AA. Petri & Pauli.

Meminit etiam Nostri Egidius Gonzalez Davila in Theatro Ecclesiæ Nova Cantabrie p. 243. Itemque Antonius de León Pinelo in Bibliotheca Occidentali addita, qui & si cognomen de Ribas prætereat, opinamur, Nostrium & non alium indicare, dum col. 151. P. Andream Perez recenset Authorem duplicis alterius opusculi, hispanicè editi in folio, scilicet,

Responsi ad Proposita V. D. D. Joannis de Palafox, de redditibus Collegiorum Mexici & Angelopolitani Societatis Jesu.

Columna vero 808 Mss. A qui in Bibliotheca Barciense asservatur Mantuæ Carpentanorum, etiam hispanicè

Responsorum ad varia de rebus Indiarum quas sibi facta à Joanne Diaz de la Calle, cum aliquibus monitis.

Nam Chronologiâ inspectâ temporum, quibus & Noster in Europam profectus est, & Joannes Diaz de la Calle sua elucebrabat Indica Monumenta, & negotium verte batur reddituum Collegiorum Societatis JESU, rectâ traiectione isthac à Nostro opella fuisse scripta conficitur.

Demum P. Joseph Cassani in de Glorijæ secundi Societatis Jesu seculi, seu de Illustribus ejusdem viris tom. 2. qui ordine ad Eusebianos 8 est, in vita P. Thomæ Basili, Nostri memoriam habet pp. 452 & 453.

ILLMUS. D. D. F. AN-

DREAS QUILES GALINDO, Natione Mexicanus, in Provincia de Zelaya, Diœcesis Michoacanensis nobilissimis genitoribus ortus, pro imbibendis litteris in Mexicâ Universitate ejusque Collegijs, violacè apud Regium & Antiquius S. Ildesonsi trabecâ insignitus, inde Gymnasia Maximi SS. AA. Petri & Pauli Societatis JESU, Academiæque nostræ frequentavit, à quibus Latinitate doctus atque Rhetoricâ, Philosophiam postquam & Theologiam excoluit, laurcas retulit minervales haud pœnitendis eruditionis fructibus. In Patriam reversus, Seraphici Ordinis alumnis adscribi discipiens, voti compos effectus est in Provincia Michoacanensi, quæ à SS. AA. Petro & Paulo cognominatur. Ubi religiosa nuncupaverat vota, ita moribus & doctrinâ probari Superioribus & Sodalibus perrexit, ut opportuno jussu tempore fuerit Palæstram inire, instituereque & Philosophicis & Theosophicis disciplinis tyrones, Cathedris utriusque Facultatis præpositus, quas totis animis 15. strenuè moderatus est, atque inde honestissimâ donatus millione, Emeriti Lectoris privilegia retulit & honores. Alijs in Familia clarus muneribus, & apud Mexicum Fidei Confistorium à Censuris Theologicis destinatus, in Europam Pro-Minister Provincialis à Michoacanensi mox dictâ dimittitur, curæque suæ & in agendis

rebus peritæ negotia mandantur, ceu Indicarum Provinciarum Generali Procuratori, quibus industriè & sapienter tractatis, nomen sibi comparavit egregium. A Catholico Hispaniarum Rege Consiliarios inter adscriptos suos, unâque Pontifex Nicaraguensis Ecclesiæ Americæ nostræ electus, hanc itidem aggressus Provinciam strenuè, pastoralis se officio mancipavit. Porrò vastissima loci distantia, infrequensque commercium, ejus in Episcopatu actorum nos destituit notitia, quæ subinde, inviti licet, necesse est prætereamus. Edidit hispano sermone

Apologiam pro conservatione Apostolici Collegij Urbis Queretarensis. Matrili, in folio anno 1714. cujus meminit Bibliotheca Franciscana tom. 3. inter Appendices littera A.

Eadem linguâ publicavit

Absolutam Descriptionem Provinciarum, Climatium, Montium, Fluviorum, Portuum, ac Littorum Nova Hispania Excmo. Comiti de Frigiliana Regi Indiarum Consilij Præsidi nuncupatam. Anno 1707. in quarto. Quam & si dicta Bibliotheca tacito loco & anno editionis prodijse in lucem dixerit, Pinelus tamen in Bibliotheca Occidentali col. 772. annum 1707. designat.

His addimus

Supplicem libellum ab Authore Regio Consilio oblatum de earum negotio Parochiarum Jucatanensium, quas Ordinis Sodales Franciscani te-

nent ac regunt. In folio, tacitis loco editionis & anno, habeturque in Bibliotheca D. Ludovici de Mendoza inter Opuscula nondum compaginata.

Ineditis *Philosophicis, Theologicis, & Oratorijs* elucubrationibus censendis prohibemur, quod ipsarum tituli latent nos.

204 D. ANDREAS SAENS DE LA PEÑA, Natione Canariensis, apud Fortunatas Insulas natus, in Americam Mexicanam profectus, Collegio Majori Divæ Mariæ & omnium Sanctorum Mexici adscriptus, atque ejusdem Rector, Doctoris pileum in Universitate nostra ptomeritus, Domicilium sibi constituit Angelopoli, regente Ecclesiam illam V. D. D. Joanne de Palafox, cui à secretis fuit: Parochiam celeberrimæ ac fidelissimæ Urbis Tlascalensium administravit, Pastoris curas in commissas sibi oves sedulo exercens, unde inter Canonicos ascitus Angelopolitanos Dignitate Archidiaconatus effulsit. Munere cum vacaret Curionis, Præfulis sui ac Domini D. Joannis de Palafox mandato composuit, atque publici Juris & usus fecit.

Manuale SS. Sacramentorum juxta Pauli V. Ritale formatum. Mexici, ex Typographia Francisci Robledo 1642. in quarto.

Archidiaconus autem majoris opera librum à se conscriptum suo iustis de causis tacito nomine typis commisit hispanis, nomine Didaci de Lemus Parochi

Villæ de Pedraza apud Segovien- ses, scilicet

Vitam V. M. Mariæ de Jesu Angelopolitana, in Monasterio Purissima Conceptionis professa. Anno 1683. in quarto, pro ut tradit Antonius de Leon in Bibliothecâ Occidentali addita col. 846. quamvis nulla Nostri mentione factâ, cujus divinare latens nomen haud poterat.

205 F. ANDREAS DE TORDEHUMOS RIBERO, Natione Mexicanus & Patria, S. Augustini in Provincia SS. Nominis JESU Novæ Hispaniæ clarissima Institutum sectatus, Magistrum audi- vit in theologicis, juridicis, & multis alijs eruditissimum Fr. Alphonsum à Vera-Cruce, Univer- sitatis Mexicæ Theologiæ Professorem Primarium, à quo optime institutus, egregius ipse Theologus evasit, Juris haud imperitus, latineque non mediocriter elegans, & propterea viris gravissimis merito acceptus, ut ex Epistolis ad ipsos datis, & ab eisdem acceptis cernere est in libro, quem statim indicamus à se conscripto, videlicet

Apologia Theologica de interioribus anime actibus & libertate voluntatis humane, applicationeque Sacrificij Altaris. Accedit Dissertatio luculenter juxta Sacri Tridentini Concilij sanctionem agitata, de contrito & non confesso, habita copia Confessoris idonei, Sacramentum Altaris sumentis.

Approbatus à Mexicanis Aca- de-

demix & alijs Antecessoribus Liber editus est hispanis typis Mexicæ anno 1581.

Authorem & Opus in sua Nicolaus Antonius Hispania Bibliothecâ novâ recenset pag. 70.

206 P. ANDREAS DE VALENTIA, Natione Mexicanus, apud Michoacanenses in loco Argentifodinis insigni Guanajuato illustribus genere parentibus ortus, anno ætatis suæ 19. & salutis nostræ 1597. Societati JESU sese junxit, unus futurus ex illustrioribus doctrinâ & virtute viris, quibus Novæ Hispaniæ Provincia scater. Postquam Philosophiani tradiderat, aliasque Theologiæ Cathedras moderatus fuerat pro egregiâ in Scholasticis, Moralibus, & Positivis rebus eruditione, successor datus fuit in Primariâ Collegij Maximi Cathedrali clarissimo P. Joanni de Ledesma, Mexicanensi. Eiusdem in Moralibus Responsa sapius petita, magni à doctis sunt habita, & prætermisso ejus nomine, ab alijs in publicum data, ut legimus in Bibliotheca Societatis JESU à P. Soruelo aucta pag. 60. Consulbatur frequentissime à Pro-Regibus, Archiepiscopis, Cathedralium Capitulis, & Ordinibus religiosi, tantique ejus opinio fiebat, ut nonnumquam Pro-Rex quidam ab ea quam conceperat sententia commodisque suis non parvi momenti propterea recesserit, quod oppositam à Nostro probari rescijset. Ad hæc

Nn

virtutum ornamentis celsus, præsertim demissimæ humilitatis, paupertatis egregiæ, obedientiæ eximia, & castitatis admodum claræ. In extremâ constitutum infirmitate insignis moribus femina Dei nomine docuit, miraculo hætenus inter vivos servatum ut Novæ Hispaniæ consilio esset, brevique decessurum, qua propter se ad extremam horam pararet. Supremo ipse Numini addictus ex animo, ejus se voluntati commisit, & egregiâ animi quiete ad mortem aptavit, quam pijslime aspexit Rectorem agens Angelopolitani Collegij à Spiritu sancto nuncupati die 11 Januarij 1644 ut legere est in Menologio à P. Oviedo edito anno 1747 à quo memorata discepat Bibliotheca Societatis JESU, emortualem Nostri diem 12. Januarij, annum verò 1645. assignans. Edidit hispano sermone, quæ Bibliotheca ipsa recenset opera, scilicet,

Vitam P. Joannis de Ledesma Societatis Jesu.

Vitam P. Alphonsi Guerrero ejusdem Societatis.

His addimus sequentia:

Pro Apostolico ac Regio S. Cruciate Tribunali Mexicæ, è quo, ceterâ contentione remotâ, ad Supremum ejusdem Hispaniarum Consilium unice liceat in disceptatione qualibet tendere & provocare. Extat tacitis, ut usus atatis ferebat, nomine Typographi & loco editionis, excussum opus anno 1636. in folio, tom. 2. cui titulus, Con-

ten-

rentiones de Jurisdictione & Auxilio, Collectionis Mendoziana.

Graviora, quæ elucubravit opera, injuria licet temporis non compareant, prætermitti tamen omnia haud debent, cum exploratum sit scripsisse etiam, ut solenne est cunctis in hac Provincia Artium Professoribus,

Cursum integrum Philosophiæ, Summas, Logicam, Physicam, Metaphysicam, Animasticam, de Ortu & Ineritu Cæloque libros complexum.

E Theosophicis, quos dictavit, Tractatibus habemus inter cymelia nostra egregium Mss constans dispp. 24

De Incarnatione Verbi Divini.

Alios libenter indicaremus, quos inviti prætermittimus, quod eorum nos præterierint nomina & fugerint.

† 207 FR. ANDREAS DEL VALLE, Natione Hispanus, Vallisoleri natus, in Portu Brigantino Dominicanorum habitu assumpto, atque solenni emissâ professione, in Americam demum translatus, ferventius inserviendi Deo in lucrandis animabus Indorum zelo, Provinciam instituti sui de Chiapa & Goatemala maximè illustravit egregiâ sanctitatis opinione, quam religiosissimæ vitæ exemplis meruerat, & post se reliquit. Scripsit hispana lingua

Sermonum tomos 3.

In Bullam Adriani VI. Indiarum Provincialibus religiosi privilegium, quod Omnimodam dicunt, concedentis, Opusculum.

De generatione & corruptione totum latinum.

Asservari omnia Authographa in Bibliotheca Conventus Dominicani de Goatemala ejusdem PP. datis ad nos litteris attestantur.

† 208 ILLMUS. D. D. F. ANDREAS DE UBILLA, Natione Hispanus apud Cantabros in Provincia de Guipuscoa, Urbe aut Villa nobis incomperta natus, subindeque nobilis genere, studijs & Domicilio Mexicanus, vir fuit clarissimus. Adolefcens Mexicum advectus, dotibus egregijs instructus, atque ære non exiguo ditatus, nuntium dare mundo speique in eo proficiendi, ut uni Deo vacaret famulareturque studiosissimè, secum constituit, atque Ordinem Prædicatorum in Conventu Mexicano professus est 23. Julij anno 1559. Excultus litteris admodum accuratè, quas ibi à Sodalibus accepit, dein è Cathedra docuit Philosophiam atque Theologiam, inter Magistros Ordinis tempore suo ex jure relatus, & in Universitate Mexicâ Theologi laureâ Doctoris cinctus 16. Septembris 1678. ejusdem Facultatis Vespertinum egit Antecessorem. Imperiale Mexicæ Cænobium, quod Sancti Jacobi Provincia Primarium est, bis tam rexit prudenter & religiosè, quam qui maximè. Præibat exemplis cunctis, seu in choro Dei laudes canentibus, seu prædicationibus in triclinio, seu alia alibi agen-

tibus. Officinas quotidie inviscabat, Fratribus tam ægrotis, quam valentibus, bene ad victum, vestitum, & cætera quæ illa cumque necessaria suppeditabat, viginti subinde regulari in omnibus observantiâ. Aedes quoque Cænobij ipsas amplissimas pro multorum numero Sodalium ædificavit. A Goaxacensis, qui unâ adhuc cum Mexicanis Provinciâ tenebantur, Prior Conventus præcipui sui electus, peræque se gessit, magno cum religiosâ disciplinæ emolumento. Nec secus Angelopoli Collegium à S. Ludovico nuncupatum, primus ei Rector datus, studiosissimè procuravit. Tandem Provincialis institutus canonicè, late patentem ditionem suam omnibus ut in dies florentiorem dotibus & virtutibus redderet, perditus & pernox cogitabat, laboribus semper intentus multisque negotijs, valetudine nequiquam firmâ.

209 In Hispaniam ad Philippum II. publici desiderio boni profectus, ut Gubernatorem his in partibus non admodum opportunum compesceret, Regem adivit, Crucifixi, quam è collo suspensam Imaginem tulerat, ob oculos ponens, ejusque obtestatus nomine, ut Mexicanensibus eo in negotio rebus occurreret; quem ut Prudentissimus Hispanorum Monarcha excepit, Visitatorem destinavit Episcopum Tlascalensem, ac non multo post Novæ Hispaniæ Pro-Regem con-

stituit D. D. Ludovicum de Velasco (cui Noster à sacris confessionibus fuit secundò Mexicanum tenenti clavum) Novem non amplius mensibus in itinere ac negotio eundo & redeundo insumptis, redux in nostra Andreas, postmodum anno 1592. die 5. Martij à Rege in Episcopum de Chiapa præsentatus, atque ecclesiastico ritu inunctus, Ecclesiæ suæ regendæ totum se dedit, quam cum in concernentibus spiritum rebus auxit, tum etiam in cæteris. Sacellum majus, id est, principem Templi partem longiorem fecit, sacra pro decentiori altaris ministerio paramenta donavit, argentam item lampadem, è qua jure coram Eucharistico Sacramento lumen fulgeret, idque genus alia ultrò in Dei gloriam detulit. Charitate conspicuus in omnes, Indos potissimum recens Fidei aggregatos complectebatur maximo rei christianæ incremento. Regionem de Soconusco dictam Ecclesiæ suæ adjunxit, quam etiam ornavit, erecto pro Virginibus nobilibus & egenis, Cænobio ab Incarnatione nuncupato anno 1595. ære quidem alterius, proprijs tamen officijs & curis: nec enim tot sumptus ferebant Ecclesiæ suæ redditus, quos infumebat omnes in Dei cultu & pauperum subsidio, ipse tenui mensâ contentus & habitu, uno duntaxat Pontificali reformatis dissimilis Religiosis, primitivos

redolens Ecclesiæ Prælatos. Annos ubi novem exegerat Chiapæ, in Michoacanenses infulas destinatus, priusquam Litteras translationis acciperet, in Cœlum, ut piè credimus, transferendus obiit mense Majo anno 1602, sepultusque fuit in Ecclesiâ sua Cathedrali hac ejus sarcophago incisâ hispanâ inscriptione:

Hic jacet

*D. Fr. Andreas de Ubilla
In Sacra Theologia Magister,
Hujus Cathedralis Episcopus annis
novem.*

Scriptit tomos duos, quorum primus est

In Primam secundæ Divi Thomæ à questione 49 usque ad quest. 89. Extat Mss. anno 1572. operâ & calamo P. F. Dominici à Cruce, in Bibliothecâ Conventus Dominicanorum de Goaxaca, in quarto.

Secundus verò tomus hunc præfert titulum: *Prima pars D. Thomæ Doctoris Angelici dignissimi cum annotationibus R. P. Fr. Andrea de Ubilla, Lectoris optimi: à questione 1. usque ad questionem 43. anno 1575.* Habetur in eadem Bibliothecâ Dominicanâ de Goaxaca, ut compertum nobis est litteris inde ad nos datis. Authoris meminere Agydius Gonzalez Davila in Theatro Ecclesiæ de Chiapa pag. 197. P. Alphonsus Franco in Historiâ Mss Provincie Dominicanorum Mexicanæ lib. 1. cap. 42. & Magister Burgoa in Geographica descriptio-

ne, seu Historia Provincie Prædicatorum de Goaxaca tom. 1. qui est secunda pars ejusdem Historiæ (si quidem primam Palæstræ titulo donavit) cap. 19. fol. 87. Plaza in Chronicis Mss Universitatis Mexicanæ lib. 2. cap. 3. n. 27. & cap. 25. n. 233. + 210. P. ANDREAS DE VELASQUEZ, Natione Mexicanus, Patria Goatemalensis, adolescens JESU Societatem ingressus, & Scholasticorum votis emissis, humanioribus litteris apprime excultus, magnos in Philosophicis & Theologicis fructus est consequutus, gradumque Professorum quatuor nuncupatis votis adeptus. Angelopoli in Collegio S. Ildefonsi triennium poluit tradendæ publico in Theatro illo auditoribus multis frequenti, Philosophiæ Aristotelicæ, quam rursus triennio altero exhibuit in Collegio Maximo Mexicano confertissimâ multitudine. Sexenium aliud Theologicis in eodem Collegio Cathedris moderandis incubuit, Provincie Sodales in primis imbuens, & Morali doctrinâ, & quæ ad Scholæ palæstram attinet indeque dicitur Scholastica. Majoribus eo itidem in Gymnasio præfuit studijs, donec Præfecturis Collegiorum ab admodum Reverendo Familiæ Generali Præposito destinatus, Angelopolitana cepit incolere & moderari, in quibus ad obitum usque cum laude religionis & prudentiæ versatus sui desiderium

Socijs alijsque doctissimis viris reliquit. Opera ejus quæ versantur in Discipulorum manibus recensemus. Sunt autem illa

Integer Philosophiæ Cursus confans

Summulis.

Logica.

Physica.

Metaphysica.

Animastica: Libris de Ortu & Interitu &c.

Theologia verò ita habent.

Tractatus de Visione Beatifica.

Tractatus de Beatitudine.

Tractatus de Divini Verbi Incarnatione pars prima.

Tractatus de Divini Verbi Incarnatione pars secunda.

Tractatus de Justitia & jure.

Tractatus de Munno, in quarto.

His accedunt Conciones multæ & ad mores & panegyricæ hispano sermone, Prolationesque variæ & Carmina latino idiomate.

Rectorem agens Collegij Angelopolitani à Spiritu sancto dicti, edidit

Vitam Joannis Gomezij, ejusdem Societatis Coadjutoris, ut dicunt, temporalis formari, religiosisque conspici virtutibus. Anno 1748. Angelopoli ut characteres indicant, in quarto, quam habemus in Collectaneis nostris t. 71 in quarto.

+ 211 FR. ANDREAS VICENTE, Natione ut videtur Mexicanus, Provincie Sancti Evangelij Franciscanorum alumnus, scripsit hispano sermone

Testimonia pro vitis Religiosarum

ejusdem Institui apud Cœnobium de Atrisco pridem florentium. Anno 1682. Mss ut legimus in Pineliana Bibliotheca novissimæ editionis tom. 2. col. 840.

+ 212 D. ANDREAS DE VIVAR, Mexicanus Domicilio, sibi minus Natione & Patria nos prætereuntibus, causarum Patronus apud Regium Novæ Hispaniæ Senatam, edidit

Allegationem pro semetipso in jure fundatam, tacitis & anno & Typographo, ut quondam in hiscriptionibus fiebat, extatque in folio tom. 13. Collectionis D. Ludovici de Mendoza.

213 P. ANDREAS XAVIERIUS GARCIA, Natione Hispanus, Patria Bituricensis Diocesis, è Provincie Societatis JESU, cui juvenis se addixerat, in Mexicanam ejusdem Instituti trajecit. Quatuor nuncupatis Deo votis professus, multis in Familiâ & Republicâ ministerijs insignis est. Philosophicis & Theologicis ornamentis, quibus scæter, egregiam in Mexicano idiomate peritiam jam diu addidit, cujus linguæ usum & elegantiam non nullos docuit. Indorum apud S. Gregorij Mexicæ Collegium confessionibus excipiendis quondam multumque deditus, egregio eisdem in sacris fuit adjuvamento & concionibus & alijs officijs. Plura & primaria quidem rexit Collegia, totique Præpositus Provincie Novæ Hispaniæ, religiosè juxtâ & prudenter mune-

nera gessit. Illud. Archiepiscopo Mexicano D. D. Fr. Josepho de Lanciego & Egulaz, viro doctrinae & sanctae vitae doctus, Ecclesiae antiquioribus Patribus comparando, acceptissimus, comes fuit in vastissima Dioecesis iteratis visitationibus, in quibus Archiepiscopus consilio ejus utebatur & opera, cum ad Indorum aliorumque eruditionem atque solatium, tum etiam pro id temporis occurrentibus varijs & arduis. Illud. pariter D. D. Joannes de Lardizaval & Elorza, Angelopolitanus Episcopus, mox laudato Archiepiscopo vitae & doctrinae, ceterisque decoribus dissimilis nihilo, peragere illum habuit, sociumque sibi itidem lustraturus ditionem adhibuit. Praepositum Domus Professae in praesentiarum agit. Habitam a se Orationem in obitu V. Angelae Xaveriae Joannae Mariae Josephae, Capuccinarum Coenobij Virginum Angelopoli Fundatricis & Abbatissae, Illud. Angelopolitano, quem mox memoravimus, Principi exposcenti, typisque daturis, commissit, qui addita ad eandem sacras Virgines Nuncupatoriâ publici juris fecit.

Sermonem in Exequijs ductis R. M. Angela Xaveria &c. Angelopoli, litteris Viduae Michaelis de Ortega 1733. Extatque in Collectaneis Nostri tom. 67. in quarto. Author habet praeterea Mss non pauca a se elucubrata.

214 ANGELOPOLIS, Urbs

Americae nostrae nobilissima & fidelissima, ac, post Mexicani Imperij caput & principem Civitatem Mexicum, prima & insignis, condita dicitur frequentissime ab historiographis anno 1530. Praeside Mexicci Auditorij Illud. Episcopo D. D. Sebaliano Ramirez de Fuenleal, quibus tamen merito refragatur Magister Fr. Joannes de Villa in Vita S. Agnetis de Montepoliciano c. 27. p. 134. eo ductus momento gravissimo, quod Episcopus Fuenleal nominatus Praefes Mexicci Conventus juridici Mexicum advenerit anno 1531. ut in confesso est eruditissimo Torquemada lib. 5 cap. 9. a quo Angelopolitanam epocham ceteri sunt mutuati, Urbis erectionem anno 1530. censentes. Id circo doctissimus ipse Villa, a D. Michaeli Zeron Zapata in Mss Angelopolim conditam anno 1531. scribente, jure pariter optimo abscedens, quoniam anni ejusdem mense sextili Illustrissimus Fuenleal auspiciatus fuit Praefecturam, constat autem facta fuisse Angelopolis fundamenta 16. Aprilis; probabilius sibi habet initam Urbem fuisse anno 1532. idque ab ejusdem primis libris confirmat, anno 1533. primos itidem ordinarios Magistratus nominatos fuisse docentibus. Sita est illa 22. a Mexico leucis ad Orientem in amplissimo solo, quod ea erat tempestate diuque retro infrequens, belli inter ejus quomdam incolas Indos & con-

ter-

terminos causa. Ea Urbs ut extrueretur optantibus ac petentibus Apostolicis Ordinis S. Francisci viris, qui rem christianam unaque politicam eximio procurabant zelo & labore, concessum fuit, atque eorum unus vir magni nominis P. Thoribius a Morolonia Sactis operatus, immortalis quidem operi initium dedit, confluentibus e non longe distitis Populis, Indis numero 16 millibus, a quibus lutea id temporis Civitas fuit extracta, optimis tamen lineamentis, & appositis ordine aedificata, quae postmodum omnibus evasit numeris absoluta, interque insignes novi Orbis connumerata, sive nobiles familias amemus, & insignes litteris ac virtutibus viros, sive Aedes prophanas contemplerur expositissimas, sive magnificentissimas sacras intueamur. In eam anno 1550. translata fuit Cathedralis Ecclesia jam inde ab anno 1526. Tlascalae condita. Est quidem Angelopolis magnitudine, artificio, ornamentis, & quae ceteris eumque ambiri decoribus possunt religiosi & politici, spectabilis & gravissima, atque Ecclesiastico Capitulo admodum clara, ac plurimorum egregij meriti hominum fecundissima. Ad haec 5 Parochiales Ecclesiae conditae fuere, quibus aliae in subsidium sunt additae. Religiosa virorum Regularium Coenobia & Collegia 12. quibus Oratoriana S. Philippi Neri Aedes accedunt; Sacrarum

O 2

autem Virginum Monasteria sunt 11. & Puellarum Collegia 4. Male nuptiarum domus, Poenitentium alia mulierum, & pro expositis Orphanotrophium. Sodalitia plurima & Congregationes, ac pro exercitationibus S. Ignatij habendis Domus amplissima ad S. Spiritus Collegium Soc. JESU. Athenas floret omni litterarum genere instructissimis, Reg. SS. AA. Petri & Joannis Collegijs secundum Tridentini sanctiones erectis, in quibus Grammatica, Philosophia, Theologia Scholastica, Moralis, Positiva, & utriusque Jus traditur & accipitur pro Academicis gradibus in Universitate Mexicana ferendis. Illustre etiam Theologorum Collegium habet majoribus simile. Gymnasia ad S. Ildesphonsi Societatis JESU ornatissima, in quibus Grammatica, Eloquentia, & Philosophia, & quae late patet Theosophia omnis exponitur auditoribus pluribus, cum a S. Hieronymi Collegio, tum etiam a S. Ignatij, Societatis JESU regimini subditis, & extraneis alijs in Ildesphonsianis Aulis confluentibus, Demum, S. Dominici Martyris nomine Collegium est aliud pro puerulis Grammatica efformandis & Musica ad Cathedralis Ecclesiae obsequia, & Ecclesiastica in choro officia agenda destinatis. Xenodochia, idque genus alia pietatis & politicae argumenta sunt multa, & ornatissimam Urbem decentia. Quae ad Dioecesium, cujus ipsa est caput, spectant

stant

stant quoniam instituti nostri non est ea narratione prosequi, indicare sat. crit. latissime porrectam. 168. Ecclesias Parochiales complecti, multaque, præter superius indicata Cœnobia & Valerudinaria, Templaque, Sacella, Oratoria publica pro divinis erecta, ut conjectura non levi putetur numerum 1500 excedere; incolarum autem summam quindecim centena millia hominum superare, eximia Dei gloriâ Catholicæ Romanæ Ecclesiæ fide jam diu illis infixâ medullitus, & Christianis operibus cultâ. Angelopoles Urbis nomine habemus edita hæc Opuscula hispano sermone, in quibus latina item legere est Poemata.

Inferia, seu lugubris pompa ab Illustri, angusta, & admodum fidei Angelorum Civitate habita in obitu Elisabethæ Borbonicæ, Hispaniarum Reg. Angelopoli, apud Emmanuelem de los Olivos 1645, in quarto. Extat tom. 26. Collect. nostræ.

Palma neficia mæcesere, Symbolum Exemi. D. D. Melchioris Fernandez Portocarrero, Comitæ de Monclova, Mexicæ Pro-Regis, Triumphali excipiendi apparatus ab Urbe Angelopolitana, Mexici, formis D. Mariæ de Benavides 1686, in quarto.

Testimonium & Allegatio pro Angelopolitana Urbe in causa de Racionis circa vectigalium administrationem. Tacitis anno editionis & Typographi nomine, in fol. Ejus meminere Urbis. Tor-

quemada in Monarchia Indica lib. 3. cap. 30: Betancurtius in de Urbe Angelopolitana post Menologium à fol. 45. Balthasar de Medina in Chronicis Provincie S. Didaci Mexicane à fol. 242. n. 835. & seq. Egydius Gonzalez Davila in Theatro ejusdem Ecclesiæ; Joannes Diaz de la Calle in Memoriali & notitijs Sacris Imp. Indiarum Occid. & plures alij.

FR. ANGELUS GARCIA DUQUE, Natione Hispanus, cujus Patria nos latet, Ordinis S. Francisci de Observantia in Provincia S. Jacobi, inde in Apostolicum S. Crucis Collegium de Propaganda Fide Queretarense ejusdem Ordinis advectus, Lectoris Theologiæ munere, Guardianique, ut dicitur, effulsit honore, longe tamen exemplis illustrior & virtutibus fuit, quas prætiola consecuta mors est. 11. Januarij 1725. uti P. Fr. Isidorus Felix de Espinosa in Vita V. Fr. Antonij ab Angelis Bustamante scribit pag. 184. Inceperat ejusdem Bustamantij Vitam Noster ornare, quam morte prohibitus initiatam reliquit. Ediderat tamen à se habitam in ejusdem funere Orationem hispano sermone, scilicet

Elogium sepulchræ pijs manibus V. P. F. Antonij ab Angelis, Collegij Queretarensis alumni. Mexici, apud Hæredes Viduæ de Lupercio 1712, in quarto.

ILLMUS. D. M. D. FR.

AN

ANGELUS MALDONADO, Natione Hispanus, Patria Occanienfis, Domicilio Mexicanus & munere, postquam in clarissimo S. Bernardi Ordine emissâ professione Monachum egerat religiosissimû, & in amplissima Complutensium Universitate Moralis Philosophiæ præpositus Cathedrâ, cum in ea expedite Facultate tradenda egregiam laudem tulerat, tum etiam in omni optimè excultus & versatus Theologiâ, secundo hujus sæculi anno Episcopatum tenuit Antequerensem, seu de Goaxaca ad id muneris destinatus à Catholico Rege Nostro Philippo V, & à SS. Clemente XI Pontifice Summo Apostolicis litteris institutus. Pastoris vigilantissimi, curas zelo, prudentia, charitate, ceterisque virtutibus omnes explevit. Diocesim admodum amplam, obviantibus montibus difficillimam peragratu, intercurrentibus fluminibus periculosissimâ, & multis ab ardente climate incommoditatibus scatenctm, universam non semel lustravit, Parochos exemplis hortatus & verbis, atque oves ipsorum demandatas sollicitudini prædicatione, confirmationis Sacramenti unctione, ceterorumque pro Christianâ vitâ subsidiorum ministracione pascens diligentissimè. Paupertatis cultor, vix necessarijs sibi pro morigeratâ contentus familiâ, redditus Ecclesiæ suæ omnes egenibus destinaverat & Dei gloriæ, hanc enixè procurans, In-

de; si quos irrepere abusus in ditionem suam aliquando videret, eos illico cohibiturus, cum modis alijs, tum etiam doctissimis agebat concionibus, ut legere est in his quas edidit 35, 36 & 37. in quibus de vectigalibus, & inter se dissentientibus negotiatoribus multo tractat spiritu & doctrina perutili. Argumento est pariter editum à Nicolao de la Barreda, Parocho strenuo & docto, Responsum Nostro datum, in quo hujus pro Indorum instructione & salute multa se legitibus offerunt specimina.

Certe, traditum sibi à Deo gregem Antequerensem tanti estimabat, ut oblatas sibi à Rege infulas Oroliensis Ecclesiæ in Regno Valentino constanter recusalaverit, rursusque pro Ecclesia Michoacanensi, quæ inter Americæ primarias censetur, destinatus, ei se subduxerit, litteris cum hispano, tum etiam latino sermone datis anno 1726. grates ei eximias rependens pro munere egregio, testatus pro conscientia sua, proprias, quas jam diu noverat oves, haud dimittere posse; & si valeret, non aliter nisi cum discrimine vitæ præ dolore deserturum, quas 24 retro annis pavertat, & tenera charitate dilexerat. Nec segniori in Philippum ipsum Regem amoris flammâ & pietatis exarserat, cujus igniculi promicant in concionibus plurimis legendis in tomo quem infra dabimus, à se habitis eo tem-

pore, quo rebus Hispaniæ turbatis, multi à debita Regi nostro fide defeiverant; quod scelus longissimè licet ab America abfuerit, huic in juratâ Philippo fide incredibilique erga ipsum amore confirmandæ Orationibus doctissimis institit. Porro, ut gregi suo quotquot posset modis provideret, non se durum ac difficilem in Dispensationibus exhibebat, atque urgente periculo animarum in mora, gravibusque datis momentis, pro ea qua erat in Theologicis rebus peritia, aut solitis à Sede Apostolica Facultatibus sibi traditis utebatur, aut Episkia bonèque Romani Pontificis præsumptâ in arduis negotijs voluntatè. Frequentissimè, nec minus erudite ac graviter quam ad auditorum profectum utiliter, nedum in Quadragesimis, sed per annum concionabatur, in hoc reliquisque pastoris muneribus quam diligentissimus. Tandem meritis & laboribus cumlatus in pace quievit, postquam viginti & sex annos suam Ecclesiam optimis curis administraverat. Multa doctrinæ & pietatis monumenta reliquit, quorum indicem exhibemus sequentem. In primis edidit tommum vernaculo idioma- te. Orationes complexum 48 hoc titulo

Orationes Evangelicæ, Mexici, apud Hæredes Joannis Josephi de Guillenâ Carrasco 1721. in folio.

Ad calcem adjecit *Directorium*

Spirituale, jam pridem à se editum scorsim. Mexici, in Typographia Hæredum Viduæ Michaelis de Ribera 1717. in octavo.

Ex his quas in tomo mox laudato legimus Orationibus doctissimis quidem, aliquas etiam scorsim habemus editas, quas subjungimus, plures alias addentes, quas frustra in eo libro quæsiveris. Sunt autem omnes à nobis vise

Oratio de S. Teresa à Jesu, Carmelitarum Maire nudipedum. Mexici, typis de Carrasco 1703. in quarto.

Oratio de S. Thoma Doctore Angelico, Angelopoli, ex Officina Sebastiani de Guevara 1703. in quarto.

Oratio in solemnitate S. Crucis de Huamulco apud Antequerenses nominata. Mexici, è Domo Francisci de Ribera Calderon 1703. in quarto.

Oratio de Proto-Parente Divo Petro cum gratiarum actione pro Philippo V. salute. Angelopoli, litteris Didaci Fernandez de Leon 1706. in quarto.

Oratio habita in Antequerensium Sanctuario, à Solitudine dicto, die SS. AA. Philippo & Jacobo sacra in Regis obsequium. Mexici, formis de Carrasco 1707. in quarto.

Oratio habita in nativitate Ludovici I. Hispaniarum Principis. Angelopoli, litteris Didaci Fernandez de Leon 1708. in quarto.

Studia in Deum, & Regem septem

tem. quæstia orationibus Evangelicis. Angelopoli, Prælo Didaci Fernandez de Leon 1709. in quarto.

Oratio Evangelica de S. Francisco Xaverio, Martiri ex Typographia Didaci Martinez Abbad 1711. in quarto.

Exhortatio ad Reformatas Antequerenses Virgines Augustimanas. Angelopoli, ex Officina Michaelis de Ortega & Bonilla 1713. in quarto.

Oratio Evangelica habita in actione gratiarum pro victoria à Philippo V. relata apud Virnegam. Mexici ex Typographia Hæredis V. Michaelis de Ribera 1715. in quarto.

Oratio habita Mexici in funere sollemnissimè instaurato D. D. Mariae Aloysiæ de Sabaudia, Hispaniarum Regina. Extat edita in libro cui titulus *Luctus Flora* à P. Luca del Rincon Societatis JESU concinnato. Mexici, apud Hæredes Viduæ Michaelis de Ribera 1715. in quarto.

Oratio Evangelica, dicta in gratiarum actione pro Philippi V. felicitate. Ibidem 1716. in quarto.

Oratio Evangelica de magno Parente & Patriarcha S. Dominico de Guzman. Mexici, apud Hæredes Lupercij 1716. in quarto.

Oratio Evangelica de Seraphico Parente S. Francisco. Mexici, Typis Viduæ Michaelis de Ribera 1716. in quarto.

Oratio Evangelica in Festo SS. V. Mariae de Mercede. Mexici, apud Hæredes Viduæ Francisci Lupercio 1718. in quarto.

Testimonium ad Regem Mexicanum Senatium probandi ergo aquè in Ecclesia Antequerensium auctas fuisse Præbendas quatuor. Mexici, apud Franciscum de Ribera Calderon 1720. in folio.

Epistola brevis hispana, latina longior ad Philippum V. Regem Catholicum data, ubi Noster Michoacanenses insulas recusavit. Mexici 1726. in folio, tacito Typographi nomine. Extat tom. 5. Collect. D. Ludovici de Mendoza.

Oratio Evangelica de Magno Ecclesie Doctore S. Augustino habita apud Recollectas ejusdem Sanctimonialis Antequerenses. Mexici, ex Officina H. F. Lupercio 1726. in quarto.

Exhortatio Catholica: ad Indos Goaxacenses. Mexici, apud Carrasco 1708. in octavo.

218 FR. ANGELUS SERRA, Natione Mexicanus, ortus apud Michoacanenses, Provinciæ Franciscanorum ejusdem Regni à SS. AA. Petro & Paulo nomen sortitæ Alumnus, quondamque, ut dicitur, Custos, Parochusque canonico titulo Pagi de Charapan primùm, mox inelytæ Urbis Queretarensis institutus, Tarascanorum idioma Magister peritissimus, communisque boni sollicitus, pro juvenis Indis Michoacanensibus ea lingua utentibus, atque eorum Parochis, edidit

Manuale pro ministrandis Sanctis Sacramentis hominibus Hispanis & Indis trilingue, scilicet, Latino, Hispano, & Tarasco idiomatibus. Mexici,